



EVROPSKA UNIJA – BOSNA I HERCEGOVINA
4. SASTANAK PODODBORA SSP O POLJOPRIVREDI I
RIBARSTVU
BRISEL/SARAJEVO, 16. JUNI 2020. GODINE



Preporuke Evropske unije

POLJOPRIVREDA I RURALNI RAZVOJ

1. Cilj BiH treba biti dalje usklađivanje trgovinske statistike za poljoprivredne, prerađene poljoprivredne proizvode, i ribu i riblje proizvode sa statističkim sistemom EU kako bi se spriječile stalne razlike između podataka BiH i EU za određene robe.
2. BiH treba prevazići dugotrajan zastoj u provedbi poljoprivrednog popisa, koji ozbiljno ometa poljoprivrednu statistiku i izradu politike poljoprivrednog i ruralnog razvoja.
3. BiH treba pojačati napore da poboljša administrativne kapacitete i resurse s ciljem bolje pripremljenosti i postepenog približavanja Zajedničkoj poljoprivrednoj politici (ZPP) EU, posebno u pogledu uspostavljanja agencije za plaćanje i Integriranog administrativnog i kontrolnog sistema (IAKS).
4. BiH mora unaprijediti uspostavu i poboljšati različite poljoprivredne informacione sisteme, kako bi osigurala njihovu usklađenost u cijeloj zemlji.
5. BiH mora osigurati koordiniranu i dosljednu provedbu Strateškog plana za ruralni razvoj BiH 2018-2021, dobro usmjeriti korištenje sredstava u skladu s glavnim principima ZPP-a, te osigurati efikasan i redovan nadzor na svim nivoima vlasti. Vlasti na državnom nivou imaju posebnu koordinacionu ulogu i odgovornost da rade prema usklađenom pristupu.
6. BiH treba ubrzati pripreme radnje za period nakon isteka Strategije 2021. godine uz podršku projekta EU4Agri.
7. BiH također treba ostvariti napredak u usklađivanju mjera podrške u cijeloj zemlji i postepeno ih uskladiti s propisima EU.
8. Propisi o organskoj proizvodnji na državnom nivou se tek trebaju uskladiti s EU i usvojiti. Entitetski zakoni se trebaju uskladiti s državnim nivoom.
9. EU pozdravlja napredak u registraciji prve četiri prijave za zaštićenu geografsku oznaku (GO) i oznaku porijekla (OP) u BiH.
10. BiH treba nastaviti usklađivati državni Zakon o hrani s najnovijim izmjenama propisa EU i nastaviti napredak u oblasti vina i žestokih pića.

RIBARSTVO

11. BiH treba da nastavi s radom na cjelodržavnoj strategiji za ribarstvo i akvakulturu, što je od ključne važnosti za usklađenost sa Zajedničkom politikom ribarstva (CFP) i za dalju pomoć.
12. BiH mora ojačati svoje upravne kapacitete i riješiti razna otvorena pitanja, kao što su uspostavljanje i upravljanje registrom ribarske flote, nastaviti s cjelodržavnim usklađenim prikupljanjem podataka i statistike o ulovu i istovaru prema vrsti ribolova i utvrditi relevantne statističke podatke.

SIGURNOST HRANE, VETERINARSKA I FITOSANITARNA POLITIKA

13. BiH mora izgraditi i održavati pouzdan i održiv sistem registracije životinja i vakcinacije gdje god je to potrebno kao mjera poboljšanja kontrole bolesti životinja.
14. BiH treba intenzivirati praćenje i nadzor kontrole bolesti životinja. Posebno je potrebno provoditi kampanje za vakcinaciju protiv bjesnila i dugoročno intenzivirati mjere za suzbijanje bolesti.
15. BiH treba nastaviti napore za usklađivanje s propisima EU u oblasti sigurnosti hrane, veterinarskih i fitosanitarnih pitanja kroz usvajanje propisa na državnom nivou bez odlaganja, i treba nastaviti s usklađivanjem domaćih propisa u ovim oblastima s najnovijim izmjenama propisa EU.
16. BiH mora ojačati i unaprijediti svoje institucionalne i upravne kapacitete, uključujući kapacitete inspekcija i laboratorija.
